

Convocatoria

VII Concurso de Fotografía

Museo Liste de Vigo

2020

Bases

1. **Aspectos xerais:** VII convocatoria do Concurso de Fotografía convocado polo Museo Liste de Vigo co gallo da celebración do Día Internacional dos Museos. O concurso pretende fomentar o coñecemento e a creatividade a través da práctica da fotografía co fin de destacar variados aspectos históricos e etnográficos da nosa cidade e da súa contorna.

As fotografías a concurso serán valoradas atendendo, principalmente, a tres criterios:

- Estético: valorarase a beleza da fotografía e a sensibilidade á hora de recoller certos aspectos que singularicen e dignifiquen o elemento fotografado.
- Técnico: valoraranse aspectos asociados á técnica desta arte.
- Documental: valorarase que as fotografías presentadas acaden o valor de documento gráfico como forma de recoller e difundir coñecemento.

2. **Temática: “Faros, luces e outros sinais marítimos”.** A utilización dos sinais marítimos, unida ao desenvolvemento da navegación, foi dende sempre imprescindible para a orientación e identificación dos roteiros a seguir no mar.

As referencias tomábanse primeiro dos accidentes naturais da paisaxe como os cabos, os montes,...; a medida que a navegación se distanciou da costa e estes elementos deixaron de ser identificables, utilizáronse fogueiras; posteriormente, xorden os faros coa romántica figura do fareiro xa a piques de extinguirse ante o pulo das modernas tecnoloxías. Outros tipos de sinais como as boias, obeliscos, bandeiras, ... conforman un amplo catálogo de sinais merecedoras de ser coñecidas.

A nosa cidade e a súa contorna, tan vencellada ao mar antes como na actualidade, conserva unha morea de elementos sinaléticos deste tipo que serán os protagonistas desta sétima edición do concurso fotográfico convocado polo museo.

A temática, como ven sendo habitual, continúa na teima de unir arte e etnografía, sendo así que a recollida gráfica por parte dos participantes será tamén unha forma de colaborar na ampliación do arquivo fotográfico do museo.

Os elementos fotografados deberán estar presentes a día de hoxe na cidade ou na súa contorna (inclúense todos os concellos e lugares da ría da Vigo). Han de ser fotografías actuais realizadas *ex professo* para o concurso. É imprescindible que xunto cos datos do participante aparezan identificados, coa súa localización, os elementos fotografados.

3. Participantes e número de obras: maiores de 18 anos cun número máximo de tres fotografías por persoa, se ben nunca recaerán dous premios no mesmo participante.

4. Premios: establécense 3 premios. Un primeiro premio dotado con 200 euros en metálico e dous premios máis que recibirán unha figura conmemorativa. Así mesmo as obras serán expostas durante un período de 30 días na sede da Fundación Liste - Museo Etnográfico de Vigo.

A entrega de premios e a inauguración da exposición das fotografías premiadas realizarase o día 17 de maio, “Día das Letras Galegas” a partir das 12:30 h. na sede do Museo.

5. Presentación das obras, identificación e envío: As fotografías serán enviadas por correo electrónico en arquivos axuntos de xeito individual (un arquivo por fotografía).

O nome do arquivo axunto será o do título da fotografía, mentres que no texto da mensaxe especificaranse os datos do participante que deberán incluír: nome e apelidos; dirección postal (domicilio, código postal, poboación, provincia); dirección de correo electrónico e teléfono de contacto; título da foto e lugar de realización da mesma.

O tamaño da fotografía deberá ser de 30 x 20 cm. cunha resolución mínima de 300 puntos por polgada e en formato jpeg. Non se admitirán fotomontaxes.

O enderezo de envío é: didactica@museoliste.org.

Tamén poderán ser enviadas por correo postal en unidade de almacenamento USB ou CD.

Confirmarase recepción.

Todas as obras presentadas deberán ser orixinais, inéditas e non premiadas con anterioridade en ningún concurso.

É imprescindible o cumprimento das devanditas bases.

6. Prazo de recepción das obras: dende a publicación da convocatoria ata o 27 de abril de 2020.

7. Selección de obras, xurado e fallo: o xurado encargado de seleccionar as obras gañadoras estará formado por dous expertos en fotografía, un experto en etnografía e patrimonio, un membro do padroado da Fundación Liste e un membro do persoal técnico do museo. **O fallo do xurado será comunicado aos gañadores vía telefónica e publicado na páxina web do Museo e en prensa a partir do 12 de maio de 2020.**

8. Outros:

- Cesión dos dereitos de reprodución das fotografías gañadoras sempre que se mencione o autor e teña como fin a divulgación e promoción cultural e, en calquera caso, sen ningún tipo de beneficio económico.
- Os autores responsabilizaranse da autoría e orixinalidade das obras presentadas así como de que non existan dereitos de terceiros sobre as mesmas e de calquera reclamación que por dereitos de imaxe puidera formularse.
- O feito de participar implica a aceptación íntegra das presentes bases.
- En todo aquilo non previsto nestas bases, a Fundación Liste - Museo Etnográfico de Vigo resolverá o que proceda.

9. Información: a través do teléfono 986244698 ou a través do enderezo didactica@museoliste.org.